















(شرح اوراد قادری مستقیم زاده)

(\*) بسم الله الرحمن الرحيم (\*)

حمد بی حد و شکر ممتنع العد اول جناب حق و فیاض مطلقه  
لایق و مستحقدر که کنیدی اذ کارنی نوع بنی آدمه تعلیم  
ایدوب اذ کاریه مشرف ایلدی و انواع صلوات زاکیات  
و تعظیبات و اقیات اول ذات بی زوالک و مجمع صفات لامثالک  
حبیبی و خلیلی اولان محمد المصطفی صلی الله تعالی علیه وسلم  
حضرتلرینه اولسونکه حق جل و علا حضرتلری اولادات  
اعظمک و ثانیاً ملائکه کرامک صلواتلرینی خبر و یروب ثالثاً  
جمع مؤمنینه اکا صلوة ایلکله امر ایلدی و دخی آل کالال  
و اصحاب بافضل و کمال حضرتانه اولسونکه اوج آسمان عنایتیه  
نجوم هدایت اولشلردر (اما بعد) بوفقی کثیر التقصیر المحتاج  
الی فیض ربه القدیر (سعد الدین سلیمان مستقیم زاده) ایدراشبو  
رساله جلیله و ورقه جمیله نک کاتب و تخیقه باعث و بادی اولدر که  
ذکری آنی صلوات شریفه و تحیات منیفه که کبار اولیاء مشایخ  
عظام سلفدن قطب الاقطاب وزیده اولی الالباب المرشد

الخلائیق

الخلائیق الی اقوم الطریق ناجیه ایات العوارف و واصل  
غایات المعارف حائز المکاشفات الربانیة و فائز المشاهدات  
الصمدانیة مفخر السادات و منبع السعادات (الشیخ ابوصالح  
محمی الدین عبد القادر الکیلانی) اکرمه الله تعالی بالوصال  
الروحانی و قدس ما حازه من الاسرار بانوار السبحانی و افاض  
سبحان رحمته علیه و جمعنا معه فی مقاعد صدق عنده ولدی  
حضرتلرینک رسول اکرم و نبی محترم سید المرسلین و امام  
المتقین و خاتم النبیین و رحمة للعالمین قدره جسیم خلقه عظیم  
بالمؤمنین رؤف رحیم المتوج بنجاح الکرامة و الجلالة انقطاع  
دابر اهل الشریک و الضلالة و القالع لاصل الغواية و الجهمالة  
المشرف بشرف لولاک المکرم بتکریم و ما ارسلناک المبعوث  
الی كافة الانام الشافع بالشفاعة الکبری یوم یؤخذ المجرمون  
بالنواصی و الاقدام المعصوم عن جمیع الاثم بعناية عزیز العلام  
الشاهد البشیر النذیر و السراج المنیر الداعی الی الله باذنه  
الجدير حضرتلرینک (\*) من صلی علی واحدة صلی الله علیه  
عشر مرات (\*) حدیث شریفک و خبر منیفک سهرینه مظهر  
اولمق ایچون جمع و ترتیب یوردقلری صلوات معظمه و تعظیبات  
مفخمه نک هر خاص و عام معنا سنک درکی و فهمی ایله متلنذ  
و مقتنم اولسون ایچون لسان ترکی به ترجمه اولنمسی بوفقی  
اعز احباب و اصدق خلان مخلفی ساییغ و واسع اولیان  
کمسهل التماس و الخاح ایلرلیله بوصلوات غریبه و تعظیبات  
عجیبه علی سبیل الاختصار شرح و بیان اولندی زیرا اگر  
بوصلواتک معنای لطیفه سی و نکات خفیه سی علی قدر  
الطاقة تمام تحقیق و کمال تدقیق اولانه ایدی هر فقره سی بر نوع  
اطنابی مشتمل کتاب اولوب ناظرینه ملال و سامعینه کلال ایشی



بدیعی اولدیغی افاده صحبت سکوت مرتبه سیله اکتفایه  
 قصر ایله تعجیل اولندیکه بوفقیبر کثیر التقصیری اوقات اجابتده  
 دعاء کثیر الخیر والبرکات ایله مغتنم ایده لر والله اعلم بالصواب  
 الصلاة والسلام عليك يا رسول الله (معنای الله تبارک وتعالایک  
 انواع تعظیبات ایله تعظیمی ای رسول ذیشان سنک اوزر یکه  
 اولسون دیمکدر که رحمت رحمان و کرم استغفار فرشتگان  
 و کرم دعوات اهل ایمان اولسون اول تعظیباتک بعضیسی  
 دنیوی و بعضیسی اخروی در دنیوی اولان اول رسولک ذکرین  
 عالی ایدوب کندی اسمی هر شول موضعده ذکر اولنور اول محمله  
 رسول علیه السلامک اسمک ذکر نی لازم قیلد یغیدر زیر  
 بر تشهد و بر خطبه یوقدر که انلرده باری تعالایک اسمی  
 و پیغمبریمز علیه السلامک اسمنه مقارن ذکر اولنیه بواجلیدن  
 مفسرین \* ورفعالک ذکرک \* قول کریمنی بو وجهله تفسیر  
 ایتشلردر و دنیوی تعظیمندن بری دخی رسول علیه السلامک  
 شریعت مطهره سن الی یوم القیام ابقا ایتسیدر اخروی  
 اولان تعظیمی عامه خلائقه یوم قیامتده شفیع ایدوب جمیع  
 اهل محشری هول موقفدن خلاص ایچون مظهر شفاعت  
 عظمی ایتسیدر و بومثللی دنیا ده و آخرتده تعظیبات لایعد  
 و لایحیی در تنکیم الله عظیم الشان قرآنده بیورر \* وان تعدوا  
 نعمة الله لا تحصوها \* معنای سز حق سبحانه و تعالایک  
 نعمتیرنی تعداد ایله سکر احاطه و احصاء ایده مزسکر دیمکدر  
 و صلواتک معطوفی اولان سلام لفظی اوچ معنایه کلور اولکبسی  
 سلامت سنک ایله و سنک ایچون اولسون ای رسول ذیشان  
 دیمکدر ایکنجیسی سلام حق سبحانه و تعالایک اسما سندن

براسمدر بو تقدیره کوره معنای سلام اولان الله تعالی سنی  
 محافظه و عصمت ایلسون دیمکدر اوچنجیسی معنای انقیاددر  
 بو تقدیره کوره معنای بزم اطاعت و انقیاد من سنک اوزر یکه یعنی  
 سکا خاص اولوب و سندن دور اولسون ای رسول دیمکدر  
 بو صلوات شریفده صلاة ایله سلامک جمع اولسنده الله  
 عظیم الشانک قرآنده مذکور و مر کوز اولان امرینه اقتدا  
 و امتثال وارد در تنکیم بیورر \* صلوا علیه وسلموا تسلیما \*  
 (الصلاة والسلام عليك يا حبيب الله) یعنی الله تعالایک  
 صلاة و سلامی سنک اوزر یکه اولسون ای الله تعالایک حبیبی  
 دیمکدر حبیب فعیل وزنی اوزره محبوب معنا سنه در محبوب  
 سویلمش دیمکدر تنکیم حدیث شریفده وارد اولدی \* الا  
 وانا حبیب الله ولا فخر \* سزاکاه و متنبه اولک که بن الله تبارک  
 و تعالایک دوستیم لکن بو قولی کبر و فخر مدن ناشی سویله مم بلکه  
 الله تعالایک نعمتن اظهار ایچوندردیو بیورر (الصلاة والسلام  
 عليك يا خليل الله) یعنی صلاة و سلام سنک اوزر یکه اولسون  
 ای حق سبحانه و تعالایک خلیلی دیمکدر خلیل ابراهیم علیه  
 السلامه تسمیه اولندیغی کی بزم پیغمبریمز اولان محمد علیه السلامه  
 دخی تسمیه اولندی بعض علما خلیلک معنای قلبی رب الاربابک  
 محبتی ایله تخلل ایدندر دیدیلر و بعضیلر خلیل جمیع ماسوادن  
 جناب کبریاه منقطع اولمش کیمسه در دیدیلر بو صلاة شریفده  
 حبیب خلیل اوزرینه تقدیم اولندیغی حبیبده کمال اختصاص  
 اولدیغی ایچوندر پیغمبریمز دن غیر براحده حبیب تسمیه  
 اولندی اما خلیل ایله ابراهیم علیه السلام دخی تسمیه اولمشدر  
 (الصلاة والسلام عليك يا نبی الله) معنای صلاة و سلام  
 سنک اوزر یکه اولسون ای الله تعالایک پیغمبری دیمکدر نبی



فی الاصل نبأ دن اولوب خبر ویریچی دیمکدر یاخود رفعت  
وشرف معناسنه اولان نبوتدن اولغله مرتفع معنا سنه در نبی  
اسمی ایله تسمیه اولندیغی الله تعالینک احکامنی تبلیغ ایتدیکی  
ایچون یاخود جیع ناسدن مرتبه سی عالی ومرتفع اولدیغی  
ایچوندر ( الصلوة والسلام عليك يا صني الله ) معناسی صلاة  
وسلام سنک اوزریکه اولسون ای الله تبارک وتعالینک مختاری  
دیمکدر زیر باری تعالی حضرتلری محمد علیه الصلوة والسلامی  
جیع ناس یدنده انواع نعم ایله مخصوص وموصوف قبلدیکه  
تعدادی حد امکاندن خارجدر ازجهله اول الرسل آدم صنی الله  
\* ان الله اصطفى آدم \* آیت کریمه سی ناطق اولدیغی اوزره  
فاتح پیغمبران اولغله صنی الله اولدیغی کبی بزم پیغمبریمز نبی  
آخر الزمان دخی خاتم اولق سبیلله مختار اولوب صنی الله دیو  
تسمیه قبلندی ( الصلوة والسلام عليك يا خير خلق الله )  
معناسی صلاة وسلام سنک اوزریکه اولسون ای جناب  
خالقک جیع مخلوقاتنک افضلی وسیدی وخیر لیسینی دیمکدر  
زیر احديث شریفده بومعنايه اشارت \* اناسيد ولد آدم ولا فخر  
قولی ایله وارد اولمشدر وبرروایتده \* اناسيد العالمين کلمشدر  
معناي منيفلری بن جیع آدم اولادلرینک سیدی بموقولم فخر  
وکبرمدن دکلدر وبن جیع ماسوانک سیدی بم دیمکدر ( الصلوة  
والسلام عليك يا نور عرش الله ) معناسی صلاة وسلام سنک  
اوزریکه اولسون ای جناب الله تبارک وتعالینک عرشنک  
نوری دیمکدر زیر اعرش اعلی پیغمبریمز علیه السلامک نورندن  
خلق اولندی نتکیم حدیث شریفده وارد اولدی \* خلقت  
العرش والكرسي من نوري \* معناسی عرش اعلی وکرسی  
بنم نور مدن خلق اولندی دیمکدر ( الصلوة والسلام عليك

یا امین وحی الله ) معناسی صلاة وسلام سنک اوزریکه اولسون  
ای الله تعالینک وحینک امینی دیمکدر زیر پیغمبریمز علیه السلام  
الله عظیم الشان حضرتلرینک عبادینه جیع اوامر ونواهیسنی  
تبلیغ ایدوب اصلا بر حکمده خلاف ایتوب ویدنده اولان وحی  
خفی وجلي بی عباد الله افهام ایدوب طریق رشدی وضلالتی  
تمیز وتفریق ایلدی نتکیم قرآنده رب الارباب تعالی وتقدس  
کندوسنه تبلیغ ایله امر ایلوب بیوررکه \* بلغ ما انزل اليك  
من ربك \* یعنی سن ربکدن سکا نازل قلنان جیع احکامی  
عباد الله تبلیغ ایله دیمکدر ( الصلوة والسلام عليك يا من  
زينه الله ) معناسی صلاة وسلام سنک اوزریکه اولسون  
ای الله تعالی حضرتلرینک انواع زینت ایله مزین قبلدیغی  
ذات شریفی دیمکدر زیر باری تعالی پیغمبریمزی زینت  
علم ونبوت وحسن خلق ایله خلق ودياده مزین قیابوب وزینتی  
شفاعت کبری ومقام محمود وجنت فردوس وحوض مورد  
ایله دخی عقباده مزین قبلدی نتکیم بومفهومه دلالت ایدر  
آثار نبویه واحادیث مصطفویه لایعد ولا یحصادر ( الصلوة  
والسلام عليك يا من شرفه الله ) معناسی صلاة وسلام سنک  
اوزریکه اولسون ای حق سبحانه وتعالی حضرتلرینک شریف  
وعالی قبلدیغی ذات دیمکدر زیر احق سبحانه وتعالی پیغمبریمز  
علیه السلامی کافه ناسه بعث ایدوب وهدایت عامه وغایت  
علم وکمال وکرم وسخا ایله عالی ایدوب واخلاق حسنه انواعنک  
هر برنده اکل المتصفین قلیق ایله شریف قبلدی نتکیم \* ابن  
عباس رضی الله عنهما بیوررکان النبی صلی الله علیه وسلم \* اجود  
الناس بالخير \* وانس رضی الله عنه بیوررکان صلی الله علیه  
وسلم احسن الناس واشجع الناس واجود الناس \* بوابیکی حدیث



شریف کرده پیغمبر عز علیه السلام اوصافی اوج وصفه اقتصار  
اولند یعنی بواوصاف ثلاثه امهات اخلاق حمیده اولسیدر  
(الصلوة والسلام عليك يا من كرمه الله) معنای صلاة و سلام  
سنتك اوزر يكه اولسون حق سبحانه و تعالیك انواع اكرام ايله  
مكرم و معزز قیلدیغی ذات عالیشان دیمکدر زیرا حق سبحانه  
و تعالی پیغمبر عز صلی الله تعالی علیه وسلم کمال اعزاز و اكرام  
ایله مرتبه سن رفیع ایدوب اسماء حسنا سندن اولان کریم اسمك  
سرنی اظهار ایلوب پیغمبر عز علیه السلامی جمیع خلائقنك  
از فی و اشرفی قیلدی بواجلندن پیغمبر عز علیه السلامده  
اولان اخلاق کریمه خلقت اصلیه سی اولوب اول اخلاقك  
اوزر ینه مجبول قیلندی و اول اخلاق ریاضت نفس ايله تحصیل  
ایتموب بلکه مجرد وجود جواد و فیض مقلب الفوائد اولمشدر  
(الصلوة والسلام عليك يا من عظمه الله) معنای صلاة و سلام  
سنتك اوزر يكه اولسون ای حق سبحانه و تعالیك انواع تعظیم  
واصناف تکریم ايله معظم ایلدی بکی ذات دیمکدر زیرا حق  
سبحانه و تعالی صفات و اسماء حسنا سنده اولان عظیم اسمك  
سرنی اظهار بیورب پیغمبر عز صلی الله علیه وسلمی انواع  
تعظیمات و رفع درجات ايله تعظیم و تمجید ایلدی تکیم بیورر  
\* و رفع بعضهم درجات \* یعنی اول بعضدن مراد پیغمبر عز  
علیه السلامی حق سبحانه و تعالی حضرت تبری دعوت مامه و حجج  
متکثره و معجزات مستمره و فضائل علیه و علیه ايله معظم  
و مقیم قیلغله درجاتی رفع ایلسیدر (الصلوة والسلام عليك  
يا من علمه الله) معنای صلاة و سلام سنتك اوزر يكه اولسون  
ای الله تبارك و تعالیك امی ایکن کندویه بلا معانی انواع علوم  
اولین و آخرینی تعلیم بیوردیغی ذات دیمکدر تکیم بیورر

\* و علمك ما لم تكن تعلم وما ينطق عن الهوى ان هو الا وحی  
یوحی \* و كان فضل الله عليك عظيما علمه شديد القوى \*  
معنای ای رسول سکا تعلیم ایلدی شول علومی که سن اول  
علومی ییلور او لما دك ایدی و سنتك اوزر يكه حق سبحانه  
و تعالیك فضلی و احسانی کبر و عظیم اولدی و دخی بیورر  
حبیبك نطق و حیدر و دخی حبیبه شدید القوى اولان جبرائیل  
تعلیم ایلدی دیمکدر (الصلوة والسلام عليك يا سيد المرسلين)  
معنای صلات و سلام سنتك اوزر يكه اولسون ای جمیع انبیا  
و مرسلینك سیدی یعنی اولوسی دیمکدر تکیم اعتقاد اهل سنت  
دخی بزم پیغمبر عز علیه السلام جمیع پیغمبرك افضل اولماسی  
اولمقدروبو مسئله کاب و سنت واجماع امت ايله ثابت و مقرر اولان  
معتقداتند (الصلوة والسلام عليك يا امام المتقين) معنای  
صلات و سلام سنتك اوزر يكه اولسون ای جمیع اهل تقوانك  
امامی و مقتداسی دیمکدر زیرا بزم پیغمبر عز علیه السلام  
جمیع اهل تقوانك اتقاسیدر تکیم بیورر \* انا اتقاكم \* و امام  
لفظی متبع و هادی و مقدم بین یدی قومه اولدیغی اجلندن  
اهل تقوانك اعمالی پیغمبر عز علیه السلامه تابع اولمق ايله  
مقبوله اولور و انك سنت سنیه سنه اقتدا ایتك ايله مشاب و مأجور  
اولورلر تکیم حق سبحانه و تعالی بیورر \* اطيعوا الله و اطيعوا  
رسوله \* یعنی سن حق سبحانه و تعالی و رسولی  
محمد مصطفایه اطاعت و انقیاد ایدك و رجایدنکه اول اطاعت  
سببیه فلاح و نجات بونه سن (الصلوة والسلام عليك يا خاتم  
النبيين) معنای صلات و سلام سنتك اوزر يكه اولسون  
ای جمیع انبیانك خاتمی و آخری دیمکدر معلوم اوله که خاتم  
فتح تایلله آخر دیمکدر و کسری دخی لغتدر زیرا بزم پیغمبر عز



سرور انبیا علیه افضل التحایا جمیع پیغمبرک آخر یدر انکیچون  
خاتم النبیین تسمیه اولندی نتکیم حق سبحانه و تعالی بیورر  
\* ما کان محمد ابدا احد من رجالکم و لکن رسول الله و خاتم النبیین \*  
و پیغمبر یمز بیورر \* لانی بعدی \* معناسی بند نصکره نبی  
بعث اولماز دیمکدر بعضیلری دیدیلر که خاتم انبیا تسمیه  
اولندیغی جمیع انبیا علیهم السلامی نور نبوتی ستر ایتدیکی  
ایچوند ر شمسک نوری سائر کواکبک نوری ستر ایلدیکی کبی  
بو تقدیره کوره خاتم سائر معناسنه اولور نتکیم عصام الدین تفسیر  
حاشیه سنده بونی ذکر ایلدی (الصلوة والسلام عليك يا رجة  
للعالمين) معناسی صلاة و سلام سنک اوزر یکه اولسون ای  
جمیع عالمرا یچون رحمت اولان ذات دیمکدر نتکیم حق سبحانه  
و تعالی بیورر \* و ما ارسلناک الا رجة للعالمين \* معناسی بز عظیم  
الشان سنی کوند رمدک الاجمیع عالمره رحمت ایچون کوندردک  
دیمکدر اکر سؤال اولنور ایسه پیغمبر یمز علیه السلام بوامت  
مر حومه یه دنیاده طریق حق هدايت و آخرتده شفاعت  
مثلو نعمت عظمالره سبب و باعث اولدیغی ایچون رحمت  
اولسنده ریب و اشتباه یوقدر اما کافرینه نه کیفیت ایلر رحمت  
اولور جواب و یریلور که کافرینه رحمت اولسی انلردن عذاب  
استیصالی رفع ایدوب وانلره مسح و خفدن و دخی جزیه ایلر  
سبفدن امین ایلدیکی ایچوند ر نتکیم کناهلری سببیلر ائم  
سالفه نک کافر لری بو وجهله عذاب اولنور لر ایدی یعنی  
ایلر کلری عصیانک جزاسنی دنیاده قهر و هلاک و تبدیل  
صورت کبی عذابلر ایلر کور لر و آخرتده دخی عذاب ابدی  
در کار ایدی (الصلوة والسلام عليك يا شفيع المذنبين)  
معناسی صلاة و سلام سنک اوزر یکه اولسون ای جمیع عاصی

و مذنب اولان مؤمنین قوللره حق سبحانه و تعالی حضر تلرینک  
اذنی ایلر مبالغه ایلر شفاعت ایدی ذات دیمکدر نتکیم بیورر  
\* شفاعتی لاهل الکبار من امتی \* معناسی شفاعتم امت اجابتدن  
اهل کبار ایچوند ر دیمکدر اهل کبار شفاعته بو حیدر ده تخصیص  
اولندیغی احتیاجلری زیاده اولدیغی ایچوند ر زیر اشئ ذکر  
ماعدای منافی دکلدر و اهل کبار دن غیری یه پیغمبر یمز علیه  
السلامک شفاعت ایتسی اولویت ایلر ثابت و متحقق اولور  
(الصلوة والسلام عليك يا رسول رب العالمين) معناسی صلات  
و سلام سنک اوزر یکه اولسون ای جمیع عالم لری آنا فانا کماله بالغ  
قیلغله تربیه ایدن الله جل و علا حضر تلرینک رسولی دیمکدر  
(صلوات الله) معناسی حق سبحانه و تعالینک انواع تعظیما تی  
و فضل و احسانی (وملائکته) دخی الله تبارک و تعالینک  
ملککلرینک شان نبی معظم اولسون ایچون اولان ادعیه لری  
و مزید الطاف و کرامات الهیه بی طلبیلری (وانبیائه و رسله)  
دخی حق سبحانه و تعالینک اولو العزم و غیر اولو العزم جمیع  
پیغمبر لرینک تعظیما تی (وحلة عرشه) دخی اعظم مخلوقات  
و اکرم مصنوعات اولان عرش اعلا که مقر ملائکة علیادارانک  
حامللری اولان ملائکة مقرینک مزید لطف و احسانی  
پیغمبر یمز علیه السلام حقنده طلبیلری (و جمیع خلقه) دخی  
خالق لم یزلک جمیع مخلوقاتک و کافه مصنوعاتک تعظیما تی  
(علی سیدنا محمد) بزم سید من و سید جمیع اولین و آخرین اولان  
محمد مصطفی صلی الله تعالی علیه و سلم حضر تلری اوزرینه  
اولسون دیمکدر سید رئیس و ظهیر و مخدوم معناسنه در که  
ترکیده افندی دیرلر (وعلى آله و صحبه اجمعین) دخی ذکر ی  
سابق صلوات معهوده بالتبع پیغمبر یمز علیه السلامک



آلی که اهل عیالی و اولادیدر و اصحابی که اول رسول مؤمن  
اولاد یغی حالدۀ دنیاده کوروب و شرف صحبتی ایله مشرف  
اولا نلردر انلرک دخی جله سنک اوزرینه اولسون دیمکدر  
(اللهم صل علی سیدنا محمد) معنا سی یا الله سن بالذت بزم  
سیدمن و اشرفن اولان محمد مصطفی علیه الصلاة والسلامه  
انواع تعظیم واصناف احسان ایله تعظیم واحسان ایله  
دیمکدر معلوم اوله که اللهم لفظنک معناسی یا الله در بعضیلر  
دیدیلر که اللهم لفظی اسم اعظمدر برآدم انک ایله دعا ایلسه  
مقبول اولور وهرنه اسنسه اعطا اولنور حتی بوقولی امام  
سیوطی رحمه الله اسم اعظم رساله سنده جمع جوامع شرحی  
زرکشیدن نقل ایدوب ایدر الله لفظی اللهم ده حق سبحانه  
وتعالینک ذاته دلالت ایدرمیم دخی طقسان طقوز اسماء حسنايه  
اشارت اولور زیرامیم ضما رده علامت جعفر که میم دینور و حسن  
بصری رحمه الله بیورر که بر کیمسه اللهم لفظی ایله دعا ایلسه  
تحقیقا اول کیمسه حق سبحانه وتعالیه جمیع اسماء حسنا سیله  
دعا وتضرع ایتش اولور اللهم لفظی ادعیهنک اولنده ذکر  
اولند یغنه سبب حق سبحانه وتعالینک قرآنده قل اللهم  
مالک الملك قولنه امثالا واقتداء در و بر قوله کوره الله لفظی  
اسم اعظمدر زیر الله لفظی بر اسمدر که غیری یه اطلاق  
اولنماز بواجلدن جمیع اسماء حسنی اکا وصف اولور نتکیم  
الله الرحمن دینور لکن الرحمن الله دینم بوقدیله کوره اللهم  
لفظی اسم اعظم اولسی بعید اولماز زیرامعنا سنده الله لفظی  
ملخوظدر بلکه ملفوظدر نتکیم خفی دکلدر (عبدک ونبیک  
وحبیبک ورسولک) معناسی اوله محمد که اول سنک قولکدر  
ودخی عامۀ خلائقه وکافۀ ثقلینه مبعوث اولوالعزم والاثبات

پیغمبر کدر ودخی خلائق ایچنده اختیار اولمش دوستکدر  
وسنک عندکدن شریعت وکتاب کتور مشدر دیمکدر عبد لفظی  
جمله نک اوزرینه تقدیم اولندی زیرا رسول اکرم صلی الله علیه  
وسلم رسالتدن مقدم عبودیتده قائم ایدی یاخود تواضعاً  
تقدیم اولمش دریاخود عبادت انسانه اولوق وسیدلک  
ویردیکنه اشارتدر یاخود عبسوی اولان نصارایه تعریض  
ایچوند رزیر انلرک بعضی پیغمبرلری اله اتخا ایدوب و بعضی  
ابن الله دیدیلر نعوذ بالله من ذلك (النبي الامی) اوله محمد علیه  
السلامکه نبی امیدر یعنی بر کیمسه دن تعلم علم وکتاب ایتش  
دکلدر مع هذا جمیع علومک خزائنی کندویه اعطا اولنمشدر  
امیک ایله متصف اولسی معجزاتدن بر معجزه در و قرآن کریمک  
و فرقان حکیمک من عند الله اولسنه زیاده دلیلدر واکر  
رسول اکرم صلی الله علیه وسلم بر کیمسه دن تعلم ایتسه لر  
ایدی اول کیمسه کندودن افضل اولوق اقتضا ایدردی بوا یسه  
محالدر اول سبیدن کیمسه دن تعلم ایتدیلر (وعلی آله وصحبه  
وسلم) معناسی دخی یارب صلات وسلام بالتبع سنک رسولک  
محمد علیه السلامک آل واصحابی اوزرینه اولسون دیمکدر  
(اللهم صل علی سیدنا محمد النبي الملیح) معناسی ای رب  
الارباب والمرجع والمآب سن بالذات انواع تعظیماتکی بذل  
واحسان ایله بزم سیدمن و جمیع عالمک سیدی نبی ملیح اوزرینه  
دیمکدر ملیح فعیل وزنی اوزره زیاده حسن معناسنه در که ابتدا  
رؤیتدن قریب اولد یقه حسنی زیاده اولان کیمسه یه دیرلر جلیل  
اول رؤیتدن وارد یقه حسنی نقصان اولان حسن الوجه در  
ملیح ایله پیغمبریمز صلی الله علیه وسلم توصیف اولندی یغی  
ذات ونسبی و جمیع اخلاق و شمائل کمال حسنله متصف اولوب



وکندی ذاتنده اولان جوهر حسن غیر منقسم اولدی یغی  
ایچوندر تکیم امام بوصیری قصیده برده ده بیورر \* فجوهر  
الحسن فیه غیر منقسم \* تکیم سرور انبیا علیه افضل التحایا  
حدیثنده بیورر \* انا ملحق \* وحق سبحانه و تعالی بیورر \* وانک  
لعلی خلق عظیم \* (صاحب المقام الاعلی) اول رسول او یله  
بر عظیم الشاندر که مقام اعلی و شفاعت عظمی صاحبدر  
زیرا مقام اعلی دن مراد مقام محمود در که حق جل و علا  
بزم پیغمبر یمز صلی الله علیه و سلمه مخصوص قیلشدر  
بواجلدن اول مقامه اولین و آخرین غبطه اتسه لر کر کدر  
تکیم حق سبحانه و تعالی بیورر \* عسی ان یبعثک ربک مقاما  
محمودا \* یعنی حق جل و علا زمان قریبده سنی ای نبی ذیشان  
مقام محموده بعث ایدر دیمکدر مقام محمود تسمیه اولند یغی  
جیع انس و جن اول مقامه حمد و ثنائی مدح ایلدکاری  
ایچوندر (واللسان الفصیح) او یله رسول عظیم الشانکه  
لغت فصیح و لسان بلیغ صاحبدر زیرا متکلمده فصاحت  
بر کیفیت متقرره در که انک سبیلله مقصودی اولان شیدن لفظ  
فصیح ایله تعبیر ایتکه قادرا اولور تکیم بیورر \* انا افصح العرب \*  
وینه بیورر \* انا عرب العرب \* دخی بوندن اعلا کندویه جوامع  
الکلم اعطا اولمشدر معناسی یعنی لفظی زیاده قلیل لکن  
معناسی زیاده کثیر اولان دخی تعبیر ایله ادایه قادرا اولور دخی  
کندویه فصل خطاب اعطا اولمشدر فصل خطاب بر کلام  
بین و واضحدر که استماع ایدن مخاطبه کمال مرتبه کفایت ایدر  
وقناعت ویرر زیرا التباس و اشتباه کند و سنده باقی قالماس  
(اللهم اجعل افضل صلواتک ابداء) معناسی یا الله سن  
انواع تعظیبات و احسانک فضل و عطا جهتندن

زیاده سنی جانب مستقبلده مستمر و دائم اولان ازمنه مقدره  
غیر متناهی و منقطعده قبل دیمکدر زیرا ابد لفظنک معناسی  
شیئک وجودی ایچون جانب مستقبلده اولان ازمنه مقدره  
غیر متناهی درازل لفظی بونک مقابلی و ضدیدر زیرا ازل  
جانب ماضینک ازمنه مقدره غیر متناهی سنده استعمال  
اولور تکیم خفی دکلدر (وانمی برکاتک سرمداء) معناسی  
یارب سن خیرات کثیره نک مبالغه ایله زیاده سنی اولی و آخری  
اولیان زمانده قبل دیمکدر زیرا انمی نماتک اسم تفضیلدر  
ونما شیده زیاده لک معنا سنده در برکات برکتک جمعیدر خیر  
کثیر معنا سنده در و سرمداء اهل لغت عندنده لیل طویل  
و دائم معنا سنده در لکن عرفده اولی و آخری اولیان زمانه دیرلر  
بومقامده مراد معنای عرفسیدر (وازکی تحیاتک فضلا  
و عددا) معناسی یارب سن جیع انواع ثنا و مدح یا خود انواع  
سلامت عظیمه نک زیاده لک و عدد جهتندن انظف و اظهرینی  
قبل دیمکدر زیرا ازکی اسم تفضیلدر اظهر معنا سنده در تحیات  
تحیه نک جمعیدر تحیه ثنا و مدح یا خود سلام معنا سنده در  
تکیم حق سبحانه و تعالی بیورر \* و اذا حییتکم بتحیه \* یعنی سزله  
بر کیمسه سلام و یرمک ایله سلام و یرر ایه دیمکدر فضل  
زیاده لک و عدد صابی معنا سنده در (علی اشرف الخلائق  
الانسانیة) معناسی ذکر اولنان حال و منوال اوزره اولان  
صلوات و برکات و تحیات انسانیه ایله موصوف و جیع  
مخلوقاتک شرف و علو جهتندن زیاده سنی اولان ذات جمیل  
و حقیقت تمثیل اوزرینه قبل دیمکدر (و جمیع الحقایق  
الایمانیه) معناسی دخی ذکر سالی اولان انواع  
صلوات ایمانه منسوب اولان جیع حقیقتلرک محل جمعی



و منیع و مقری اولان ذاتک اوزرینه قبل دیمکدر زیر مجمع  
اسم مکندر محل جمع دیمکدر حقائق حقیقتک جعیدر حقیقت  
عرفده شی کند و ایله شی اولنه دیرلر مثلاً رسول اکرم و نبی محترم  
صاحب العطاء و الکرم صلی الله تعالی علیه وسلم حضرت نوری  
بر صنف اشبارک مجمع و حافظیدر که ایمان انلری تصدیق  
واذعان ایملک ایله حاصل اولور و ایمانک اجمال معنای لغویسی  
مطلقاً تصدیق در معنای شرعیسی پیغمبریمز علیه السلامک  
حق سبحانه و تعالینک جانب معنویسندن کتوردیکی احکام  
شرعیتهک جیعسنی قلبه تصدیق ایدوب ولسانی ایله اقرار  
و اعتراف ایتکدر بو ذکر اولنان ایمان اجمالیدر ایمان تفصیل  
مؤمن به اولان احکاملری علی قدر الطافه بشقه بشقه  
عد و تفصیل ایدوب هر برین علی حده تصدیق و اقرار  
ایتکدر ( و طور التجلیات الاحسانیه ) معناسی ذکر  
سابق اولان صلوات و تعظیبات و تحیات احسان و فضله  
منسوب ابانه و اظهارک حالت شتی و انواع متفرقه سی اولان  
ذات جلیل الشان اوزرینه قبل دیمکدر زیر طور حالت شتی  
و اصناف متفرقه دیرلر و تجلی لغتده شتی اظهار و آشکار  
ایتکدر زیر رسول علیه الصلوة والسلام امور دین قویمی  
و شرع مبین مستقیمی و امور دنیا و مصالح عبادی بر وجهله  
آشکاره قیلدیکه اصلاً بر کیمسه به برشیده احتیاج باقی قالدی  
بو اجلدن کند و ذات اقدس خاتم رسل و مکمل سبیل اولوب  
کند و سند نصکره بر نبی بعث اولنوب امور دین و مصالح ائم  
اظهار اولمغه افتقار و احتیاج قالدی نیکیم حق سبحانه  
و تعالی بیورر \* البوم اکملت لکم دینکم و اتممت علیکم نعمتی  
ورضیت لکم الاسلام دینا \* و دخی بو تجلیاتی احسانه منسوب

ایتمدن مراد حق سبحانه و تعالانک بو امور مذکور پیغمبریمز  
علیه الصلوة والسلام و ساطتیه اظهار ایلسی محض لطف  
و احسانی اولوب کند و اوزرینه بعث رسل و اظهار سبیلدن برشی  
واجب اولد یغنی اشعار و تنبیهدر یا خود تجلیدن مراد انوار  
غیبک قلب مصفی و فوئاد مجلایه ظهور ایتسیدر نیکیم صوفیه  
عندنده تجلی بو معناده استعمال اولنور بو تقدیر کوره معناسی  
احسان و فضله منسوب اولان انوار غیبیه نک ظهورینک  
حالت شناسی اولان ذات اوزرینه قبل ذکر سابقه صلوات  
معهوده بی دیمکدر ( و مهبط الاسرار الرحانیة ) معناسی  
ذکر می مضی ایدن صلوات معهوده و تحیات معقوده رحن  
اولان ذات پاک اسرار و خفیاتنک محل نزولی و موضع هبوطی  
ذات معلای و خلق عظمی بی جامع اولان محمد المصطفی  
صلی الله علیه وسلم اوزرینه قبل دیمکدر زیر مهبط علودن  
شیئک نزول ایده جک محلیدر اسرار سرک جعیدر مکتومات  
دیمکدر رحانیه رحانه منسوب دیمکدر رحن حق سبحانه  
و تعالانک اسماء حسنا سندن بر اسمدر لفظه الله کبی غیره  
اطلاق اولنق جائز دکلدر بو اجلدن بعض علما اسم اعظم اولسنه  
ذاهب اولمشلر در پس اسرار رحانیه دن بو مقامده مراد  
حق سبحانه و تعالانک عندنده اولان مفا تیج غیبدر که انی  
کندی ذاتدن غیر کیمسه بیلز اول غیو بدن پیغمبریمز بعض  
اسرار تعلیم بیورر پیغمبریمز علیه الصلوة والسلام اول  
اسراره محل نزول قیلشلر در نیکیم بیورر \* عالم الغیب فلا یظهر  
علی غیبه احد الا من ارتضی من رسول و نیکیم بیورر \* و عنده  
مفاتیح الغیب لا یعلمها الا هو \* ( و عروس مملکة البانیة ) معناسی  
ذکر می مرور ایدن انواع صفات ایله موصوف صلوات حق  
سبحانه و تعالانک محل ملکی اولان ارض و سما و عرش و کرسی



وجنت و نارك عروسی اولان نبی محترم اوزرینه قیل دیمکدر  
بوفقرده استعاره و تمثیلده اولان نکته بیانی خفی دکادر که  
نبی علیه الصلوٰة والسلام عروس نسایه تشبیه و تمثیل اولمشدر  
نتکیم عروس کندی ذاتنده عامه احوالی احسن تألیف ایله  
مألوف و کافه اموری اشرف ترتیب ایله مرتب اولوب و عروسک  
اهلی انک فرحیله متفرحین و اکا اعزاز و اکرام ایله مشتقین  
اولدقلری کبی پیغمبریمز علیه الصلوٰة والسلام دخی کندوسنده  
اولان شرافتدن غیر ی جمیع خلایق کندوسنه کمال بحیل  
و تعظیم و توقیر ایلوب و کندوسیله متفرحین اولدقلری ایچون  
عروس نسایه تشبیه اولمشدر مواهب لدینده ایدر حق سبحانه  
و تعالانک \* ولقد رأی من آیات ربه الکبری \* قولنده بعض  
علما ذکر ایتدیلر که پیغمبریمز علیه الصلوٰة والسلام کندی  
ذاتنک صورتی عالم ملکوتده مشاهده ایلدکده ذات اقدس  
عروس مملکت کور مشدر بواجلدن عروس مملکت تسمیه  
اولندی (و واسطه عقد النبیین) معناسی ذکر سبقت ایدن  
انواع نعوت ایله منعوته صلوات حق سبحانه و تعالانک جمیع  
انبیاسنک عهد و میثاقنک واسطه سی اولان ذات اوزرینه  
قیل دیمکدر زیرا واسطه ایکی شیئک پیننده توسط ایدن شیدر  
و عقد بومقامده عهد معناسنه درنتکیم حق سبحانه و تعالی  
بیورر \* و اذا خذ الله میثاق النبیین لما آتیتکم من کتاب و حکمة  
ثم جاءکم رسول مصدق لما معکم لتؤمنن به ولتنصرنه قال  
اقررتم و اخذتم علی ذلکم اصبری قالوا اقررنا قال فاشهدوا  
وانا معکم من الشاهدین \* شیخ تقی الدین سبکی ایدر بوآیت  
کریمده پیغمبریمز علیه الصلوٰة والسلام کمال تعظیم و زیاد  
تکریم وارد در حتی پیغمبریمز علیه الصلوٰة والسلام کندیدن

مقدم بعث اولنان انبیانک جمیعسنه بعث اولند یغنه اشارت  
دخی وارد اما \* بعثت الی الناس کافه \* حدیث شریفی  
کندیدنصکره کلن ناسه مخصوص دکادر بلکه جمیع  
مخلوقات و کافه موجوداته شاملدر نتکیم حدیث آخر دخی  
بومعنايه دلالت ایدر \* کنت نبیا و آدم بین الروح و الجسد \*  
معناسی بن نبی اولدم حال بوکه آدم علیه السلام روح ایله  
جسد پیننده ایدی و حدیث اخراده بیورر \* لم یبعث الله  
نبیا من آدم فمن بعده الاخذ علیه العهد بذلك علی قومه \*  
(و مقدم جیش المرسلین) معناسی مارالذکر انواع صفات  
جليله ایله موصوفه صلوات و برکات و تحیات جمیع مرسلین  
پیغمبرلرک مقدمی و اولی اولان ذاته قیل دیمکدر زیرا پیغمبریمز  
علیه الصلوٰة والسلام جمیع انبیادن اول قبردن قالقوب و جمیع  
مرسلیندن مقدم دار رضوانه و فردوس جنانه دخول ایتسه  
کرکدر نتکیم بومعنايه دلالت ایدر احادیث کثیره وارد اولمشدر  
معلوم اوله که مقدم مبعث و ذالک کسریله مقدم جیش  
اولی دیمکدر جیش فتحله عسکر جمعی جیوش کلور مرسلین  
مرسلک جمعیدر لغتده کونده ریشه دیرلر عرفده مرسلین انبیادن  
کتاب ایله یا خود شریعت جدیده ایله مبعوث اولان انبیاء علیهم  
السلامک عملریدر (و قاندر کب الانبیاء المکرمین) معناسی ذکر  
تقدم ایدن انواع تعظیما تی حق سبحانه و تعالی حضرت تیرینک  
عندنده انواع اعزاز و اصناف توقیر ایله مکرمین اولان انبیا  
علیهم السلامک رکابلرینی قائد ویدیچی و سورچی اولان ذات  
اوزرینه قیل دیمکدر زیرا پیغمبریمز علیه الصلوٰة والسلام  
جمله انبیادن مقدم قبر شریفندن قالقوب و جمیع انبیادن اول  
جنته داخل و جمیع انبیالواء جدی تحتنده اولدقلری ایچون



قائد انبیا تسمیه اولندی نتکیم بیورر \* انا اول من یدخل الجنة  
 يوم القيمة ویدی لواء الحمد ومامن بنی آدم من سواء الاتحت  
 لوائی \* (وافضل الخلق اجمعین) معناسی ذکر می مرور ایدن  
 صلواتی عامه مخلوقات وکافه موجوداتک افضل  
 واکرمی اوزرینه قیل دیمکدر معلوم اوله که پیغمبریمز  
 علیه الصلوة والسلامک افضل مخلوقات اولدیغی  
 اکثر یا قرآن کریمده و فرقان حکیمده بواج آیت ایله استدلال  
 ایدر لر اولکبسی و رفع بعضهم درجات قولیدر زیرا حق  
 سبحانه و تعالی پیغمبریمز علیه الصلوة والسلامی و معراجیه  
 عروج ایتدیروب و جمیع خلایقه سید و افضل قلوب و معجزات  
 کثیره و دائمه بی کندویه اعطا بیور مسیله درجاتی رفع ایلوب  
 و کندوی افضل قیلدی دیدیلر ایکنجهسی اولئسک الذین  
 هدی الله فبهدهم اقتده قولیدر زیرا حق سبحانه و تعالی  
 پیغمبریمز علیه الصلوة والسلامه جمیع انبیا علیهم السلامک  
 هدا سنه اقتدا ایله امر بیوروب پیغمبریمز علیه الصلوة  
 والسلامه دخی امر باری بی ترک محال و تمتع اولدیغی ایچون  
 جمیع انبیا نیک خصال جمیده سنه و هدی و طریفته اقتدا  
 ایدوب جیعنک هدی سی کندوسنده بولندیغی ایچون جمله دن  
 افضل و اکمل اولدی اوچنجیسی کنتم خیرامة اخرجت  
 للناس قولیدر زیرا امتک خیر لو اولسی نبی علیه الصلوة  
 والسلامک جمله دن افضل اولدیغی ایچوندر دیو اتفاق ایتدیلر  
 (حامل لواء العز الاعلی) معناسی اول عامه مخلوقاتک افضل  
 واکرمیکه زیاده شریف و عالی اولان لواء عزک حامل و صاحبیدر  
 حامل بو مقامده صاحب معناسنه استعاره اولمشدر لواء لامک  
 کسر یله و مد یله علم و سنجاغیه دیر لر لکن لواء عز اعلادن

مراد قیامتده پیغمبریمز اعطا اولان لواء جدد در یا خود لواء دن  
 مراد پیغمبریمز علیه الصلوة والسلام خرو بی ایچون  
 کتور دکلریدر بو تقدیره کوره پیغمبریمز علیه الصلوة  
 والسلامک جهاد عظیم و فتوحات فحیمه سندن کایه اولور  
 نتکیم معناسی اوله بو حدیث شریف دلالت ایدر \* ان اول من  
 یدخل الجنة جهادون علی کل حال یعقدلهم يوم القيمة لواء الحمد  
 فید خلون \* زیرا جهاد وندن مراد بو امتدر لواء جدد دن مراد  
 پیغمبریمز علیه الصلوة والسلامک یدشریفته اولاندر نتکیم  
 حدیثی سبقت ایتدی (ومالك ازمة المجد الاسنى) معناسی دخی  
 اوله اکرم خلایق که رفیع و شریف اولان عظمت و کرمک ازمه  
 و دیز کینتک مالکی و متصرفیدر معلوم اوله که مالک صاحب  
 و متصرفه دیر لر ازمه تشدید ایله فرسک رأسنه اوردقلری  
 سنه در که دیز کن تعبیر اولور مجد عظمت و کرمه دیر لر بعضیلر  
 غلبه یه دیدیلر بو معنی کفار ه نسبت ایله ظاهر در و بعضیلر  
 ایدر مجد آبا جهتدن اولان شرفه مخصوصدر بو معنی دخی  
 مراد اولمق جائزدر زیرا پیغمبریمز علیه السلام اصلا ب  
 طاهر دن ارحام نظیفه یه انتقال ایتدن زائل اولدیغی ایچون  
 شریف و عالی اولدی واسنی سین مهمله ایله رفیع و زیاده  
 عالی دیمکدر (شاهد اسرار الازل) معناسی دخی اول جمیع  
 موجوداتک افضل واکرمیکه ازلک اسراری اولان حق  
 سبحانه و تعالانک شاهدیدر زیرا شاهد اغتده شهادت ایدیچی یه  
 دیر لر شهادت بر شیتک صحتی کوروب و کمال ایله عالم اولدقدن  
 صکره اعلام ایدوب خبر ویرمکدر زیرا پیغمبریمز علیه الصلوة  
 والسلام اولی اولیان زمانده موجود اولان حق سبحانه  
 و تعالینک جمیع خلایقه خالق و انجق کمال عبادت و طاعتیه



لایق اولدیغنیڭ صحتنه شاهد وکمال یقین ایله عالم اولدقدن  
صکره امریله جیج ناسه اخبار و اعلام ایلدی نتکیم \* انا رسولک  
شاهدا یوردی (و شاهد انوار السوابق الاول) معناسی  
اویله جیج خلایقک افضلیکه سوابق اولک انواع هدی  
کثیره سنی آشکاره و اظهار ایدیدر زیرا شاهد آشکاره  
ایدیچی به دیرلر و انوار نورک جعیدر بومقامده هدی معناسنه در  
نتکیم \* وجعل الظلمات والنور نظم کریمک معناسنده مفسرین  
تصریح ایتشدر و سوابق سابقک جعیدر اوله اضافت اولمغله  
تخصیص اولمشدر پس سوابق اولدن مراد جیج عالم لریوق  
ایکن علم اللهده موجود اولان هدالدر که من لدن آدم الی  
یومنا هذا متبدل و متغیر اولدی یا خود شاهد مشاهده ایله  
متصف اولاندر مشاهده عرف خاصده ایکی معنایه اطلاق  
اولنور اولکبسی عامه مصنوعاتی و کافه موجوداتی حق جل  
جلاله نک توحیدنه دلیل و شاهد اولدیغی ایچون کورمکدر  
ایکنجبسی جیج اشیا ده حق سبحانه و تعالی بی کورمکدر یعنی  
جیج اشیا دن حق جل و علا نک موجود و واحد اولسنه استدلال  
ایدوب کورمش کی یقین حاصل ایتکدر زیرا پیغمبریمز  
علیه الصلاة والسلام سوابق اولک انوارلری اولان شمس  
و قر و سائر کواکب و جنت و عرش و کرسینک جمله سنه نظری  
حق سبحانه و تعالی نک وجود و وحدانیته دلیل اولدیغی  
ایچوندر نتکیم بومعنایه کبار اولیانک بعضبسی \* مارأیت شیئا  
الاورأیت الله قبله او بعده اوفیه اومعه \* قوللریله اشارت  
ایتشدر (و ترجان لسان القدم) معناسی اویله عامه  
مصنوعاتک و کافه موجوداتک افضلیکه حق سبحانه و تعالی نک  
کلام قدیمی اولان قرآن کریمک و فرقان حکیمک ترجانی

و جیج ناسه مبلغیدر زیرا ترجان جیمک قحیله بومقامده کلام  
خفینک قائل اولان ذات ایله واسطه سز تکلم ممکن اولدیغی  
اجلدن واسطه اولان پیغمبریمز علیه السلامه مبلغ معناسنه  
ترجان تسبیح اولندی نتکیم حق سبحانه و تعالی بیورر \* و ما کان  
لبشر ان یکلمه الله الا وحیا او من وراء حجاب او یرسل رسولا \*  
الایة دخی بیورر \* بلغ ما نزل الیک من ربک \* ولسانیدن مراد  
بومقامده کلامدرز کر محل اراده حال قییلنددر یا خود لسان  
لغه دیرلر لغت دخی مطلق فصیحه دیرلر که کلام معناسنه  
در و قدم وجودی ایچون زمان سبقت ایتیان نسنه در  
یا خود وجودنده غیره محتاج اولیانه دیرلر پس حق سبحانه  
و تعالی نک کلامی ایچون زمان سبقت ایتش دکدر و غیره محتاج  
دکدر نتکیم پیغمبریمز علیه الصلاة والسلام بیورر \* القرآن  
کلام الله غیر مخلوق فن قال انه مخلوق فهو کافر بالله العظیم \*  
ایمدی شیئک مخلوق اولمشندن قدیم اولسی لازم کلور  
(و منبع العلم والحلم والحکم) معناسی اویله جیج موجوداتک  
افضلیکه انواع علمک و اصناف حلم و حکمک موضع خروجی  
و مکان صدوریدر زیرا منبع تبعک اسم مکانیدر صویک محل  
خروجی دیمکدر عین الماء کی ایمدی پیغمبریمز علیه الصلاة  
والسلام جیج علومک محل خروجی و مقر صدوریدر نتکیم  
حق سبحانه و تعالی بیورر \* و علمک ما لم تکن تعلم و کان  
فضل الله علیک عظیما \* دخی پیغمبریمز علیه الصلاة  
والسلام اصناف حلمک مثوای صدوری و مقریدر زیرا مبارک  
رباعیه سی کسر و وجه شریفی شرح اولندقدده صحابه کرام  
رضی الله تعالی عنهم حضراتنه بواصر زیاده کوچ کلوب  
ابتدیلر یا رسول الله بونلرک علیه لینه دعا بیورر تا کیم هلاک  
اولر پیغمبریمز علیه الصلاة والسلام سعادته بن لعان بعث



اولندم لکن نبی داعی و رحمت بعث اولندم دیوب اللهم اهد  
قومی فانهم لا یعلمون یا خود اللهم اغفر لقوم فانهم لا یعلمون دیودعا  
بیوردیلر پس بومقام پیغمبریمز علیه السلام کمال حلم و صبرنه  
دلالت ایدرتکیم حق سبحانه و تعالی صبرایله امر بیورر \* فاصبر  
کما صبر اولو العزم من الرسل \* و انواع حکمتک دخی محل  
خروجیدر زیر حکمتدن مراد علم شرایع یا خود علم ایله  
و فعل ایله حقّه اصابت ایتکدر یا خود موجوداتی معرفت  
و خیراتی ایشیکدر بوتقدیر \* کوره علم اوزرینه عطفی  
عطف الخاص علی العام قییلندن اولور (مظهر سرالوجود  
الجزئی والکلی) معناسی او یله جمیع مخلوقاتک افضلیکه  
حق سبحانه و تعالی نیک جود کلی و سخاء جزئینک سرنی  
اظهار و آشکاره ایدیمیدر جود برصفتدر که انک ایله عوض  
و غرضسز اعطاسی لایق اولان شی آسان و یرمکه قادر اولور  
وجود جزئیدن مراد حق سبحانه و تعالی نیک مخلوقاتنه  
و یردیک نعتلدر یا خود دنیاده و عقبا ده ذاتی رؤیتدن غیر  
و یردیک نعتلدر وجود کلیدن مراد نعم اخرویدر یا خود  
آخرته جنده اولان رؤیه الله و رضوان اکبردر نتکیم بیورر  
للذین احسنوا الحسنی و زیاده \* یا خود جود جزئیدن مراد  
دنیا و آخرته معلوم اولان نعتلدر وجود کلیدن مراد آخرته  
مالاعین رأت و لا اذن سمعت و لا خطر علی قلب بشر \* ایله  
موصوف اولان نعمدر پس نعم دنیانک جزئی اولسی نعم اخرايه  
نسبت ایله در یا خود دنیا عندالله برسکک قنادی مقصداری  
اعتبارده اولدیغی ایچوندر نتکیم پیغمبریمز صلی الله تعالی  
علیه وسلم بیورر \* لو کانت الدنيا تعدل عندالله جناح بعوضة  
ما سقى منها کافرا شربة ماء \* یا خود دنیا فانیه و نعمی نعم

وشرابی

وشرابی سراب کبی اولدیغی ایچوندر پس ایمدی  
پیغمبریمز علیه الصلاة والسلام حق سبحانه و تعالی نیک  
نعم دنیویه و اخرویه سنک سرنی کمال مرتبه اظهار ایدوب  
وصفی ممکن اولنی خبرو یردی یا خود پیغمبریمز علیه الصلاة  
والسلامده اولان جود عظمی و کرم کبری حق سبحانه  
و تعالی نیک جود جزئی و کلیسنک سرنی اظهار ایلدی  
(وانسان عین الوجود العلوی والسفلی) او یله کافه مخلوقاتک  
افضلیکه وجود علوی و وجود سفلینک کوزلرینک سوادنده  
کورنن نقطه منزله سنده در پس اول نقطه کورمکه سبب ظاهری  
اولوب و کورمک انک ایله ممکن اولدیغی کبی و اول نقطه کوزک  
سری و زینتی و فائده سی اولوب و جسدانک ایله منافعه و اصل  
و مرشدنی حاصل ایلدیکی کبی و اول نقطه نیک عدمنده برصنف  
منافع عظمیه و برنوع ثمرات جسمه نیک عدمی لازم کلمور  
کذلک پیغمبریمز علیه السلام جمیع موجودات علویه و سفلیه نیک  
دارینده متمتع و منتفع اولسنه سبب اولدیغی اجلدن عینک  
نقطه سنه تشبیه و تمثیل اولمشدر \* وینه معلوم اوله که وجود  
علویدن مراد ملائکه سموات یا خود مطلقا ملئکه یا خود  
انبیا علیهم السلامدر و وجود سفلیدن مراد اهل ارض یا خود  
مطلقا پیغمبر اولیان نوع انساندر زیرا پیغمبریمز علیه السلام  
بونلرک جمله سنده سرعین اولدیغنده اشتهاء یوقدر و بومعنايه  
شاعرك بوقولی دلالت ایدر (نظم) \* کل المکارم تحت طی  
بدوره \* و لقد اضاء الی کون عندوروده \* و البحر یقصر عن موارد  
جوده \* انسان عین الوجود سر وجوده (روح جسد السکونین)  
معناسی او یله جمیع موجوداتک افضلیکه عالم دنیا و عقبا نیک  
یا خود عالم غیب و شهادتک جسد لرینک روحی منزله سنده در



زیرا جمیع مخلوقات را و احلی آنک سببیه حی اولوب بولندقلری  
کبی کذلک پیغمبریمز علیه الصلوة والسلام دخی جمیع اجسادک  
روخنه تشبیه اولمشدر زیر جمیع اجسادک خلق و ایجاد  
اولنسی پیغمبریمز علیه الصلوة والسلامک خلق اولندیغی  
ایچوندنرتکیم حق سبحانه و تعالی آدم علیه السلامه یورور  
\* فلولا محمد ما خلقت آدم ولولا محمد ما خلقت الجنة والنار \*  
وامام بوصیری قصیده برده ده یورور \* لولا لم تخرج الدنيا  
من العدم \* معلوم اوله که بومقامده روحدن مراد انسان  
کندی ايله حسن حرکت کته قادر اولدیغی قوت لطیفه در که  
عدمندن انسانک عدمی لازم کلور و جسد انسانک بدنی و جسمیدر  
و کونیندن مراد کن امرینه منسوب اولان موجوداتدر که  
کیمی دنیا ده و کیمی عقبا ده در یا خود کونیندن مراد عالم  
غیب و شهادتدر بویکی تقدیره کوره پیغمبریمز علیه الصلوة  
والسلام جمیع اهل دنیا و آخرتک جسدلرینک روحی منزله سنده در  
(وعین حیوة الدارین) معناسی اویله جمیع موجوداتک افضلیکه  
دار دنیا و عقبا ده اولان جمیع من له الحیاتک عین حیات  
و حقیقتدر بوتقدیره کوره محکک اسمنی حاله اطلاق قیلندن  
اولور یا خود اهل مثالی برنسنه تقدیری ايله واسئل القرية قیلندن  
اولور نتکیم خفی دکلدر معلوم اوله که عین حقیقت ذاته دیرلر  
و حیات برصفتدر که موصوفنی حس و حرکت مقتدر ایدر  
و داریندن مراد دنیا و آخرتدر (المحقق باعلی رتب العبودیه)  
معناسی اویله جمیع مخلوقاتک افضلیکه عبودیتک مراتب رفیعہ  
و منازل علیه سنک حقیقتنی حق اوزره بیان ایدیجیدر زیر  
محقق تحقیق ایدیچی در تحقیق دخی نسنه نک حقیقتن حق  
اوزره بیان ایلکدر و رتب رتبہ نک جمیعدر مراتب و منازل دیرلر

عبودیت لغتده قوللق دیمکدر عبادت کبی پس پیغمبریمز  
علیه الصلوة والسلام عبا دتده جمیع ناسک افضلیدر حتی  
صلاتده طول قیامندن مبارک قدم شریفلرینه شیش عارض  
اولوردی نتکیم روایت اولنور \* قام رسول الله صلى الله عليه  
وسلم حتی تورمت قدماه فقیل ما التکلف لهذا وقد غفر الله  
لک ماتقدم من ذنبک و ماتا آخر قال افلا اکون عبدا شکورا \*  
بواجلندن عبودیتی جمیع اوصافنک افضلی اولوب حق سبحانه  
و تعالی اسری بعیده دیو خیر و یروب اسری برسوله دیمدی  
(والمخلق باخلاق المقامات الاصطفائية) معناسی اویله  
جمیع موجوداتک افضلیکه حق سبحانه و تعالی نک اصطفای  
و اختیار قیلدیغی مقاماتک خوی و خلقی ايله متخلق و متصفدر  
زیرا پیغمبریمز علیه الصلوة والسلام \* تخلقوا باخلاق الله \*  
سرنه و اصل اولوب \* وانک لعلی خلق عظیم \* خطابه مستحق  
اولدی جنید بغدادی ایدر پیغمبریمز علیه السلامک خلق  
عظیم اولدیغی حق سبحانه و تعالی دن غیری به همتی و قصدی  
اولدیغی ایچوندن و حضرت علی رضی الله عنه و کرم الله  
وجهه ایدر پس آیت کریمه ده پیغمبریمز علیه الصلوة  
والسلامک خلقنه عظیم تسمیه اولنوب و دنیا نک امتعه  
کثیره سنه متاع دنیا قلیل تسمیه اولندیغندن معلوم اولدیکه  
پیغمبریمز علیه الصلوة والسلامک اخلاق کریمه سی لایعد  
ولا یحصار و دخی حضرت عایشه رضی الله عنہا دن پیغمبریمز  
علیه الصلوة والسلامک خلقندن سوال اولندقدہ یوردیلر که  
\* کان خلقه القرآن الست تقرأ قد افلح المؤمنون الذینهم  
فی صلاتهم خاشعون \* الایة یعنی خلقی قرآن ایدی نتکیم



سوره قد افلح ده قرآن خاقی ذکر اولندی مع هذا پیغمبر یمز  
 علیه الصلوٰۃ والسلام (اللهم كما حسنت خلقی فحسن خلقی)  
 قو ایله دعا بیورر لایدی (الخلیل الاعظم) معناسی او ایله  
 جمیع مصنوعاتک افضلیکه حق سبحانه و تعالیٰ لایک محبتی ایله  
 قلبی تخلل ایدوب تجریدی فی الله انقطاع الی الله اعراض عن غیر الله  
 صفاء القلب بالله اخلاص الحركات لله ایدن خلیل اعظمدر  
 تنکیم بیورر \* لو کنت متخذاً خلیلاً غیر ربی لاتخذت  
 اباً بکر خلیلاً \* پس پیغمبر یمز صلی الله علیه وسلم حق سبحانه  
 و تعالیٰ دن غیری کیمسه به خلیل اتخدا ایتدی بکندن معلوم  
 اولدی که حق سبحانه و تعالیٰ لایک خلیلدر (والحبيب الاکرام)  
 معناسی او ایله جمیع مکنوناتک افضلیکه حق سبحانه و تعالیٰ لایک  
 محبوب اکر میدر پس قرآن کریمده پیغمبر یمز علیه السلامک  
 حبیب اولسنی صاحب کشف \* فادع ربک وما قلی ایتشدن  
 استفاده ایلدی لکن اولی اولان \* قل ان کنتم تحبون الله  
 فاتبعونی يحبکم الله \* نظم کریمندن استفاده اولندیغنی کبار علماء  
 تصریح ایتشدن روح حدیث شریفده دخی پیغمبر یمز علیه الصلوٰۃ  
 والسلام حبیب الله اولدیغنی مصر حد در تنکیم بیورر \* الا  
 وانا حبیب الله ولا فخر \* امام جعفر صادق رحمه الله علیه ایدر  
 حق سبحانه و تعالیٰ ابراهیم علیه السلامک خلیل اولدیغنی  
 تصریح ایدوب پیغمبر یمز علیه الصلوٰۃ والسلامک حبیب اولدیغنی  
 اشارت طریق اوزره بیان بیوردیغنی حبیب حبیبک حالتی اظهاره  
 راضی اولدیغنی ایچوندرا ایددی بوفقرده شیخک خلیلی حبیب  
 اوزره تقدیمی ادنادن اعلایه ترقی به اشارت ایچوندر زیراخلیل  
 محبتی غالب اولنه دیرل یا خود محبت غالب اوله دن محبوبیت

غالب

غالب اولدیغنی ایچون تقدیم اولمشدر (سیدنا محمد بن  
 عبدالله بن عبد المطلب) معناسی او ایله جمیع مخلوقاتک  
 افضلیکه اول بزم سید مزدر اسم شریفی و علم منینی محمددر  
 پدرینک اسمی عبد الله وجدینک اسمی عبد المطلبدر پس  
 سید شیا دات ایله متصف اولاندرو اسباب سیادت ایله متصف  
 اولمشدر عقل علم حلم صیانت صدق سخا صبر تواضع عفاف  
 حسن خلق ایددی بو اوصاف حسنه و اخلاق مستحسنه نک کالی  
 پیغمبر یمز علیه الصلوٰۃ والسلامده در واسم محمد فی الاصل  
 مرة بغداد آخری جد و ثنا اولمش دیمکدر و بواسم شریف  
 معناسی اولان ذاته مطابقدر زیر پیغمبر یمز علیه الصلوٰۃ والسلام  
 دنیاده علم و حکمتی اعلام ایلدیکی ایچون محمود اولوب و آخرتده  
 دخی مقام محمودده شفاعت کبراسی ایچون محموددر و پیغمبر یمز  
 علیه الصلوٰۃ والسلامده محمد تسمیه اولمشی جدی عبد المطلبه  
 الهام ایله در که حق سبحانه و تعالیٰ بوموجوداتی خلقتدن  
 ایکی بیک سنه مقدم پیغمبر یمز علیه الصلوٰۃ والسلامده محمد  
 تسمیه ایتشدن تنکیم خبرده وارد اولدی \* انه سمی بمحمد قبل  
 الخلق بالنی عام \* (وعلى سائر الانبياء والمرسلين) معناسی و دخی  
 سن یا الله جمیع صلواتک افضلی و اکرمی اولان صلواتی باقی  
 عامه انبیاء و کافه مرسلین علیهم السلامک اوزر لرینه قبل  
 دیمکدر ایددی مرسلین انبیاء دن اخصدر بو تقدیره کوره  
 عطف الخاص علی العام قییلندن اولور (وعلى ملائکتک  
 والمقربين) معناسی دخی یا الله عامه صلواتک افضلی بالتبع  
 ملائکة مقربینک اوزر لرینه قبل دیمکدر ملائکة  
 مقربیندن مراد دائماً معرفت حق ایله مستغرق  
 اولوب غیره اشغالدن تنزه ایدنلدر تنکیم محکم تنزیلهده



حق سبحانه و تعالی حضرت تری بونلری وصف ایلیوب بیورر  
(یسبحون اللیل والنهار لایفترون) و بوملائکه مقررینه علیون  
دخی دیرلر معلوم اوله که ملائکه نیک بر قسمنه دخی مدبرات امر  
دیرلر زیرا حق سبحانه و تعالی نیک امرلرینی تقدیری اوزره  
تدبیر ایدرلر و بر قسمی دخی سماویدر اصلایره نزول ایتمزلر  
و بر قسمی دخی ارضیدر امور ارضیه تعیین اولنمشلر در  
(وعلى عباد الله الصالحين من اهل السموات و اهل الارضين)  
معناسی یا الله سن عامه صلواتک افضلنی بالتبع حق سبحانه  
و تعالی حضرت تری نیک عباد صالحلریکه حقوق الله و حقوق  
عباده عالملر و مقتضای علملری ایله عامللر اوزرینه قیل که اول  
ذاتلرک کیمی اهل سموات و ملائکه مطهراندندر و کیمی اهل  
ارضندندر پس ملائکه مقررین مخصوص ذکر اوانوب و عباد  
صالحین اوزرلرینه تقدیم اولندیغی خواص ملائکه عوام  
بشردن و عوام ملائکه دن افضل اولدیغی ایچوندنر بواجلندن  
خواص بشر خواص ملائکه دن افضل اولد قلری ایچون  
ذکرلری تقدیم اولنوب و بزم پیغمبریمز محمد علیه الصلاة  
و السلام جله انبیاء و مرسلیندن افضل اولدیغی ایچون جله یه  
صلاتی تقدیم اولندی بوندن صکره معلوم اوله که بوفقره ده  
سموات جمع اولنسی طبقاتی مختلف اولدیغی ایچوندنر و ارضک  
جمع اولنسی بعض احادیثه وارد اولدیغی اوزره طبقاتی  
عدد ده سموات مثالی اولدیغی ایچوندنر تکیم حق جل و علا  
حضرت تری نیک (ومن الارض مثلهن) قوی بومعنایه دلالت ایدر  
و سما ارضک اوزرینه تقدیم اولندیغی شرقی و علو مکانی  
اولدیغی ایچوندنر حتی خبرده کلدیکه ارضین سبع سماء دنیا  
یاننده واسع اووه ده بر حلقه مثلودر کذلک سماء دنیا مافوقنه

نسبت ایله بویله در (کما ذکرک الذاکرون) معناسی ذکرلری  
مرور ایدن افضل صلوات و ازید برکات و اطهر تحیات حق  
سبحانه و تعالیه ذاکرین اولنلرک هر ذکرلری مدتنده اوله  
پیغمبریمز علیه الصلوة والسلام ثانیاً ساثر انبیاء کرام و ثالثاً  
ملائکه عظام و رابعاً عباد صالحین فتمام اوزرلرینه قیل  
(وعقل عن ذکرک الغافلون) معناسی ذکرلری سبقت ایدن  
اکرم صلوات و ازید برکات و انظف تحیات حق جل و علا نیک  
ذکرندن غافل و لا هی اولنلرک هر غفلت ایلد کلری زمانده  
اولاً خاتم النبیین ثانیاً انبیاء و مرسلین ثالثاً ملائکه مقررین  
رابعاً عباد الله الصالحین اوزرلرینه قیل دیمکدر (وسلم)  
معناسی دخی یا رب بالذات سن انواع سلامت عظیمه یی  
ذکرلری مضی ایدن ذاتلره بذل و احسان ایله دیمکدر ایددی  
بوصلواتده سلام دخی ذکر اولندیغی حق سبحانه و تعالی نیک  
\* و سلموا تسلیماً \* امرینه اقتداء در (ورضى الله عن اصحاب  
رسول الله اجمعین) معناسی دخی حق سبحانه و تعالی راضی  
و خوشنود اولسون رسول اکرم و نبی محترم صاحب العطاء  
و الکرم حضرت تری نیک اصحاب نیک جیه مسندن دیمکدر معلوم  
اوله که عرف شرعه عز و جل لفظی حق سبحانه و تعالی نیک  
ذکرلری عقبه و صلوات و سلام لفظلری انبیایی ذکر عقبه  
و علی الانفراد سلام لفظی ملائکه یی ذکر عقبه تخصیص  
اولنمشدر و ترضیه دخی صحابهیه و علی سبیل العموم جمیع علماء  
و صحابه تخصیص اولنمشدر و ترجم دخی سائر مؤمنین و مؤمناته  
تخصیص اولنمشدر بواجلندن عز و جل دیمک مکر و هدر  
هر نقدر پیغمبریمز علیه الصلوة والسلام عزیز و جلیل اولمش  
ایسه ده و حق سبحانه عزیز اولدیغی \* عزیز علیه ما عنتم \*



قولیه تصریح بیور مشدر و ابو بکر علیه السلام دیمک جائز  
دکدر هر قدر معناسی صحیح ایسه ده زیرا شعار روا فضر  
(هذه تمة فی بیان بعض فضائل الصلوات ومواضعها)  
بوند نصکره معلوم اوله که صلوات شریفه نک فضائلی  
و کراماتی لایعد و لایحصى در لکن مالایدرک کله لایترک کله  
مفهومیجه بعضیسنی ذکراید لم اولاصلات و سلام ایتمده  
حق سبحانه و تعالی حضرت ترینک امرنه امتثال وارد در  
بواجلدن اول حضرتک هر کره اسم شریفی ذکر اولند قد  
صلاتک واجب اولسنه طحاوی ذاهب اولمشدر و محققین  
سجده تلاوته قیاس ایدوب بر مجلسده اون کره اسم شریفی  
ذکر اولنسه بر صلوات ایله واجب ادا اولنور دیدیلر و جمهور  
علماء عمرنده بر کره صلوات فرضدر ساری سنت یا خود مستحیدر  
دیدیلر و فتوی دخی بوقول اوزره در و حق سبحانه و تعالی  
و ملائکه به موافقت وارد در زیر احق تعالی و ملائکه کندیه  
صلاته ایدر لر و ایدنه اون درجه رفع اولنوب و اون حسنه کاتب  
اولنوب و اون سبئه سی محو اولنور و حق جل و علا صلاه ایله  
اولنان دعا لری قبول ایدر و شفاعت نبی به مستحق اولوب  
و مغفرت ذنوبه سبب اولور و مؤتدن مقدم جنت ایله تبشیر اولنور  
و قیامت هو لندن نجات بولور و قیامتده اهلنه حسرت ایله  
رجوع ایتمدن امین اولور پیغمبر یمز علیه الصلوة والسلام  
صلواتی و اصل اولور و پیغمبر یمز علیه الصلوة والسلام  
عندنده اسمی ذکر اولنور و بحیل اسمی انساندن نفی ایدر و طریق  
جنت کندیه به دلالت اولنوب مجبوسدن نجات بولور و صراط  
اوزرنده مصلی به حرز اولوب ذکر جمیلی اهل سماء و ارضک  
بیننده باقی قالور و عمر ینک بر کاتنه سبب اولور و رسول الله صلی الله

علیه وسلمک محبتنه سبب اولور و کندیه به دخی پیغمبر یمز  
علیه الصلوة والسلامک محبتنی ایراث ایدر و حیات قلبه سبب  
اولور و پیغمبر یمز علیه الصلوة والسلامه جفا ایتمدن خلاص  
اولور و حقوقنی اقل قلیل اولسون ادا به سبب اولور زیرا حقوق  
رسول الله صلی الله علیه وسلم لایعد و لایحصار و دخی صلواتک  
فوائد کثیره سی و عوائد کثیره سی مضایقه ده و مهماتده و قضاء  
حاجاتده ظاهر و مشاهددر اما پیغمبر یمز علیه الصلوة والسلامه  
صلواتک مواضعی دخی جو قدر لکن عامه به لازم اولان آخر  
تشهدده و صلوات جنازه نک تکبیره ثانیه سند نصکره و خطبه  
جمعه ده و عیدین و اسنسقا و سایر خطبه ده و خطبه عقد  
نکاحده و مؤذنه اجابتد نصکره و ذکر الله ایچون مجتمع اولدقلری  
موضعلرده و هر ذی بال امرک اولنده و دعا اولنده و اوسطنده  
و آخرنده و مسجدده دخولده و بوم جمعه ده و هر اسمی ذکر  
اولنان مجلسلرده و اسمی کاتب اولنان محفلرده و مجلسدن  
تفرقدن مقدم و پیغمبر یمز علیه الصلوة والسلامک قبر  
شریفده زیارت طورد قدده و سوقه خرو جده و منزله دخولده  
و غم و حزن و قتلرنده و طلب مغفرت زماننده و وعظ و تذکیر  
ابتداسنده و تدریسه شروعده و صدور ذنب عقیبنده  
و فقری نفی مراد ایلد کده و نو مدن مقدم و نو مدن انتباهده  
و وضوء دن فرا غده و صلوات جمعه دن و صلوات صبحدن  
و صلوات مغربدن صکره و دفع عطاس ایلد کده حد دن صکره  
و طنین اذنده و بر نسنه بی او تند قدده تذکری ایچون و قضاء  
حوایچی عندنده صلوات ایتمکدر ایمدی علماء کرام و فضلاء  
عظام بوفضائل عدیده و مواضع کثیره نک کینی احادیث  
و اخبار و کینی قیاس و اعتبار و کینی آثار صالحین ایله اثبات



ايدوب كتابلر نده ذكر ايتمشلردر كدبو محله دلائل حذف  
اولنوب مسائل اوزرينه اقتصار اولندي \* والله اعلم بالصواب  
وانا احمد الله على اتمام هذه النعمة واسئله المزيد من عنايته  
العميمة ورحمته الرحيمة واصلى على من كان فضائله مشهورة  
بل متواترة وخصائصه شائعة سائرة وعلى آله واصحابه صلوة منجية  
وافرة ثم المسؤول من افضل الافاضل واشرف الاماثل  
ان ينظروا في هذه الاوراق بعين الرضاء بحق الملك  
الخلاص ويصلحوا ما فيه سهوا وخطلا

فان الله لا يضيع اجر من حسن عملا

بمنه سبحانه قطب اعظم غوث افخم مقتداى طريقته  
ويشواى حقيقت محي الملة والدين قدوة ارباب اليقين  
الشيخ عبدالقادر الكيلاني قدس سره الرحاني حضرت تليزى  
مقام جمع ورتبة كما لدن اظهار و ابراز بيور دقلري صلوات  
شريفه فيض اثرلرينك بعض اجمال ورموزاتنى شرح وايضاح  
ضمنده منبع العرفان سعد الدين سليمان مستقيم زاده اكرمه  
المولى بالحسنى وزياده حضرت تليزى قلمه الدقلري شرح  
لطيفلري ممد مهتاد الدولة العثمانية ومرضص صياصى  
الملة الاسلامية السلطان ابن السلطان (السلطان عبدالمجيد  
خان) صبت شوكت به صيانة الرحان حضرت تليزى زمان امن  
بخشارنده نظارت تقويم وقايع خدمت سنيه سيله بكام

محمد سعيدك نظار يتله اشبويك ايكوز

التمشحي سنه مى جادى الاولى

اواخر نده ختام پذير

اولشدر





